



UGOVOR o nabavci kompjuterske opreme - računar

OPĆINSKI SUD U TUZLI, sa sjedištem u Tuzli ulica ZAVNOBIH-a bb, zastupan po predsjedniku suda dr. sci. Muhamedu Tulumoviću, ID broj: 4209391920002 (u daljem tekstu: Ugovorni organ)

i

„ALF – OM“ D.O.O., BANJA LUKA ulica Mladena Stojanovića 43-45 zastupan po direktoru Darku Suvajcu, ID broj: 4400810890005, transakcijski račun broj 1610450000510063 otvoren kod Raiffeisen banke, dana 02.11. 2022. godine, (u daljem tekstu. Dobavljač), u Tuzli zaključuju sljedeći ugovor o nabavci kompjuterske opreme – računar.

Član 1.

Predmet ugovora je nabavka i isporuka kompjuterske opreme- računar sa sledećim tehničkim karakteristikama:

- Kućište: All-in-one
- Monitor: minimalno 54,6 cm dijagonala (21,5")
- Procesor: Windows 11 podržan, minimalno dva jezgra, minimalna brzina 2,1 GHz
- Memorija: minimalno 8 GB DDR4-2666 MHz
- Prostor za pohranu: minimalno 256 GB M.2 ili SSD
- Sigurnosna platforma: Integrisan TPM modul minimalne specifikacije 2.0
- Konektori: minimalno 1xHDMI-out 1.4, 1xheadphone/microphone combo, 1xpower connector; 2xUSB 2.0; 2xUSB 3.2 Gen 1, 3-in-1 SD card reader
- Optički uređaj za čitanje CD/DVD medija: 9,5 mm slim DVD snimač
- Povezivanje: integrisan LAN, 1 x RJ-45 Gigabit Ethernet
- Tastatura od istog proizvođača latinični raspored, miš od istog proizvođača
- Licenca za operativni sistem Windows 10 Pro 64-bit
- Garancija: minimalno 12 mjeseci, uz mogućnost provjere na web portalu proizvođača putem serijskog broja uređaja.

u količini od 8 (osam) komada.

Sastavni dio ovog Ugovora je prihvaćena Ponuda Dobavljača broj: 0271/BA od 13.10. 2022. godine, čije cijene su nakon provedene E-aukcije umanjene za 20,83 %,

Cijena koju će Ugovorni organ isplatiti Dobavljaču za robu iznosi:

- Cijena bez PDV-a: 9.500,00 KM;
- Porez na dodanu vrijednost (PDV 17%) = 1.615,0 KM;
- UKUPNA VRIJEDNOST / CIJENA sa PDV-om = 11.115,00 KM (slovima: jedanaest hiljadastopetnaest konvertibilnih maraka).

Član 2.

Dobavljač se obavezuje da će na isporučenu robu iz člana 1. ugovora u pogledu nedostataka na ime kvaliteta izvršene nabavke i dostavljene robe po eventualnim primjedbama Kupca, postupiti u roku od 7 dana od dana isporuke iste.

Kupac će utvrditi razuman rok za ispravku propusta Dobavljača u smislu izvršene nabavke.

Član 3.

Plaćanje će se izvršiti najkasnije u roku od 60 dana od datuma ispostave fakture za uredno isporučenu robu.

Plaćanje će se vršiti putem JRT Trezor Tuzlanskog kantona na žiro račun Dobavljača broj: 1610450000510063 kod Raiffeisen banke.

Dobavljač se obavezuje da će u skladu sa članom 1. ovog Ugovora dostaviti robu, po zahtjevu Kupca.

Član 4.

Rok isporuke ugovorenog predmeta nabavke iz člana 1 ugovora je 60 dana računajući od dana obostranog potpisivanja ovog ugovora. Pod isporukom se podrazumijevaju sve potrebne radnje koje je Dobavljač dužan obaviti, prema ugovoru i prirodi posla, da bi Ugovorni organ mogao primiti isporuku u skladu sa uslovima iz ponude. Mjesto izvršenja obaveze Dobavljača iz člana 1. ovog Ugovora je Općinski sud u Tuzli. Do isporuke predmeta nabavke Dobavljača rizik slučajne propasti ili oštećenja predmetne nabavke snosi Dobavljač, a s isporukom /predajom predmeta nabavke rizik prelazi na Ugovorni Organ. Rizik ne prelazi na Ugovorni organ ako je isti zbog nekog nedostatka isporučeno/predanog predmeta nabavke raskinuo ugovor ili tražio zamjenu predmeta.

Član 5.

Dobavljač odgovara za materijalne nedostatke stvari koje je ona imala u času prelaska rizika na Ugovorni organ bez obzira na to da li mu je to bilo poznato. Dobavljač odgovara i za one materijalne nedostatke koji se pojave nakon prelaza rizika na Ugovorni organ ako su posljedica uzroka koji je postojao prije toga. Neznatan materijalni nedostatak ne uzima se u obzir. Šta se podrazumijeva pod neznatnim materijalnim nedostatkom zajednički/ komisijski utvrđuju Ugovorni organ i Dobavljač. U obavijesti o nedostatku stvari Ugovorni organ je dužan potanje opisati nedostatak i pozvati Dobavljača da pregleda stvar. Ako obavijest o nedostatku koju je Ugovorni organ blagovremeno poslao Dobavljaču preporučenim pismom, telefaksom ili na neki drugi pouzdan način, zakasni ili uopšte ne stigne Dobavljaču smatra se da je Ugovorni organ izvršio svoju obavezu da obavijesti Dobavljača. Nedostatak postoji ako ugovoreni / isporučeni/ predmet nabavke nema svojstva i odlike koje su izričito određene ovim ugovorom. Dobavljač odgovara i za nedostatke koje je Ugovorni organ mogao lako opaziti ako je izjavio da stvar nema nikakve nedostatke ili da stvar ima određena svojstva ili odlike. Dobavljač odgovara ako na isporučenom predmetu nabavke postoji neko pravo trećeg koje isključuje, umanjuje ili ograničava pravo Ugovornog organa o čijem postojanju Ugovorni organ nije bio obaviješten, niti je pristao da primi stvar opterećenu tim pravom. Ukoliko se pokaže da treća osoba polaže neko pravo na ugovorenu opremu /robu , Ugovorni organ je dužan obavijestiti Dobavljača o tome (obavještenje se vrši na način iz prethodnog stava ovog člana - preporučeno pismo ili telefaks ili neki drugi

pouzdan način), izuzev kad je to Dobavljaču već poznato, i pozvati ga da u razumnom roku oslobodi stvar od prava ili pretenzije trećeg ili da mu isporuči drugu stvar bez pravnog nedostatka. Ako Dobavljač ne postupi po zahtjevu Ugovornog organa, ugovor se raskida.

Član 6.

Dobavljač daje garanciju za isporučenu opremu u trajanju od 12 mjeseci.

Servis u garantnom roku je besplatan.

Tokom trajanja garantnog roka dobavljač se obavezuje u roku od 48 sati od dijagnosticiranja kvara, isti ukloniti, a u slučaju da to nije moguće, obavezuje se odmah izvršiti zamjenu tehnički neispravne opreme.

Član 7.

Ugovorne strane su saglasne da će eventualne sporove pri realizaciji ovog Ugovora rješavati mirnim putem, a u suprotnom iste su saglasne da eventualne sporove rješava sud u Tuzli.

Član 8.

Sva prava i obaveze koji nisu regulisani ovim Ugovorom rješavat će se u skladu sa Zakonom o obligacionim odnosima.

Član 9.

Ovaj Ugovor stupa na snagu danom potpisivanja obje ugovorne strane.

Član 10.

Ugovor je sačinjen u četiri (4) istovjetna primjerka, od kojih svaka ugovorna strana zadržava po 2 (dva) primjerka, za svoje potrebe.

UGOVORNI ORGAN

Predsjednik suda

Dr. sci. Muhamed Tulumović

Broj: 032-0-Su-22-000 588/27

Mjesto i datum, Tuzla, 02.11.2022.g.

DOBAVLJAČ

Direktor

Danko Suvajac

Broj 40906

Mjesto i datum 02.11.2022. Tuzla